

利津縣志補卷四

流品志

鄉舉里選之變而爲科舉勢也前明雖三途並用而進士之勢偏重而一代清英之士出其中者十常八九蓋天運亦隨人事爲轉移也我

朝稍矯其弊立賢無方內而卿寺外而藩屏才能可勝者未嘗以資格限也然竊謂不舉進士則可不學則不可韓哀附輿不如範之九達之衢離婁夜視不如益之燈燭之光率天性之善而克踐古人

利津縣志補

卷之四

九

之成迹其爲過也寡矣若夫匹夫匹婦執義不回獨成其是雖未本於詩書益亦風俗之漸漬焉嗚呼先王之所以廣厲學官其教深矣作流品志第

進士

李 琬戊辰科梁國治榜現任曹州府教授

李 源己丑科陳初哲榜現任荏平縣教諭

舉人

劉佩珂 乙卯科任四川潼川府遂溪縣



殷濬哲 庚辰科

趙世佑 庚辰科

黃維壑 乙酉科

劉世傳 乙酉科

趙華 乙酉科世佑子

胡心田 戊子科

恩賞

石 憐 辛巳

副貢

荆津縣誌補

蓋之榛 壬午

拔貢

李 恊 乙酉

優貢

趙士鶴 壬午

歲貢

張兆鵬 壬申現任昌邑訓導

劉永祚 戊寅

許廷儀 庚辰

卷之四



石九錫 丁巳

趙璞 甲申

段有庸 丙戌

許有總 戊子

綦正恆 庚寅

補遺

許宏宗 康熙壬寅

例貢

李矩 附生

利津縣誌補

李曷 增生

紀懷綸 附生

薄毓泰 增生

例薦

張政 兵馬司副指揮 陞廣西布政司經歷

李嘉猷 優附貢 候選布政司理問

椽史

紀肅瑩 候選刑部司獄

胥化榮 任江西萍鄉縣典史



武進士

劉邦憲 巳丑科武進士藍翎侍衛

武舉

蓋嘉蘭 壬午科

劉大勇 戊子科

利津縣誌補

卷之四

三



懋官列傳

張志奇張士英傳

張志奇字鴻儒北鄉孟家庄人由庚戌進士歷官直隸三十餘年至宣化知府所至有聲績初宰內邱值墾荒令下他邑率承指以多報增賦爲功志奇徑以地無可墾上陳且面爭於新藩張鳴鈞曰邑人多地少實無曠土近山一帶磽确之地或貧民力耕火耨亦皆不成畛畦山水衝激旋墾旋廢今若責令墾科勢必盡行拋棄是非勸墾而勸之荒也語甚力卒得

利津縣誌補

卷之四

三

所請兩任天津商會之區不名一錢河東四甲貧戶萬餘以掃賣土鹽爲業一商欲網其利呈請開池收買搭運院檄志奇與運同某查辦商以千金進志奇志奇笑曰吾雖愚豈以千金易萬人詛咒乎遂主稿上五不可議而事以寢遷冀牧調涿州擢守宣化所至差務絡繹興學利民皆能規以遠大肆應裕如而民不擾冀州有王見成被人殺死屍親以某某有夙嫌指名首告反覆研審卒無確據因詳請另緝真兇後任竟以某某抵罪制府面詰之志奇曰某誠迂愚



然每事必求心之所安此案未安於心雖得罪無悔也後在宣化終以此案降調引

見以同知用時母年已逾八十遂告養以歸志奇內行淳備先世壽皆六十二父至其年大病志奇晝夜叩天籲禱願減已算十年益親經兩月雙膝盡腫竟得延父壽至七十有二從兄某貧無依爲之構室供給時日無缺至老死鄉人某素拘墟因仲弟士英乘騎不下積恨成仇志奇知之率士英要於路曰吾弟得罪先生今使之泥首通衢願勿復校某驚扶垂泣

曰朝重誠辱我而君顧如此我則非人矣遂冰釋朝重士英字也其居鄉退讓多類此呂姓貸人數百金季弟爲之保任呂貧不償志奇怒辱季弟計子母代還二千餘金不足撤衣服器具與之而家遂替不恤也凡官畿輔者皆以正人稱之鄉人亦云今七十猶矍鑠而仲弟士英亦爲畿邑永清令因附著焉士英字朝重以國學生投効河工敏幹能任事題授永清知縣簿書期會之外雅識治體如勸立義倉施粥活民請旌節烈五人以扶樹倫常皆非俗吏所能



爲也常因河工辦料乘舟伏漲中落水幾溺死後因  
委辦河工在三百里外而邑中蝗起竟以捕蝗不力  
吏議罷官人咸寬之歸卒於家初士英與兄同官相  
近太夫人迎養在署往來定省無闕而督工河壩風  
雨聯床至三月之久又嘗兄弟于一堂錄囚人以爲  
奇遇焉

論曰史家無生傳由惡者期于晚益善者亦俟論定  
也志奇治蹟卓卓而懸車已久令名其可保矣故傳  
之士英罷非其罪而永清人至今尸祝之其自敘事  
利津縣誌補

卷之四

三五

畧中有自然鐘樓記文理燦然志奇言嘗至口外博  
羅素地方晨起有聲四面而至如灶上火燃日出乃  
止問之同人曰此所謂邊聲也其說甚新並志于此  
以廣異聞

### 趙森傳

趙森字錫廷少孤克家善居積以勤儉致富援例入  
太學久之選平陽府經歷經歷閒曹每遇差委人所  
縮手不肯承者挺身任之不辭勞瘁上游皆倚任之  
歲旱太守禱雨于龍寺森與事則輒應不在則否後



每有所禱守必專屬之曰趙君誠慤無私庶其能感格天心也及行禱則又輒應人咸異之在任十年復捐陞知縣謁選入都以目病廢卒于家初森母苦節于例應旌森籲請得建坊祠祀母歿恨不得終養遇外家特厚鄉人稱其敦睦

論曰天道遠矣祈而輒應事亦偶然然非心厯民瘼而朴誠久孚於上官何以相信若是即使臨民肯爲毛勢乎惜其浮沉冗散不一試手司牛羊之牧惜哉



篤行列傳

黃克述呂尙健紀恩詩傳

黃克述字憲宗家于西村四歲而孤與母兄居母慕氏有女節事母以孝聞性嗜學貧無所得書嘗從人借讀邑長者見而竒之或資以膏火入庠食廩卒不利于進取因以所學教人弟子嘗數十輩其教必以品行節概爲先文藝次之仁而能斷不事家人生產贄脩所贏每以濟人之急意豁如也晚而德業益進自以生本所爲多不愜作百勿堂以示及門多受而利津縣誌補

卷之四

三

佩藏之年六十卒至無以爲殮具遠近弔者皆哀涕有餘羣謀買田供時祭并立碑志焉知縣程聞而義之爰與兩博士襄成其事  
呂尙健字乾如邑諸生也爲人嚴謹自飭寡言詞崇實行刻意勵學冀以光前緒而卒嗇于遇然其子姓孫曾纍纍膠庠天或將大所積而一發之也乾隆元年紳士以齒德公舉授八品冠帶有庭訓條約藏于家壽九十有四終

紀恩詩字歌起邑諸生事父母疾以孝聞居喪能盡



哀禮與從叔析箸悉以祖產讓之閉戶掃塵讀書有所會心隨手摘錄牆壁杖几幾無隙地壽至八十餘猶日親研墨神明不衰云

論曰學將以行之也苟能行雖不文何害况彬彬稱儒雅乎克述余嘗見之朴茂有古風既歿使人社祭不忘德可知已尚健恩詩壽近百歲實行皆可書于悼史憲老乞言宜其爲鄉祭酒也



孝義列傳

隆萬里尹蘭劉永祚蓋玠傳

隆萬里字鵬程庠生家素貧奉親必具甘旨侍母疾及喪盡志盡哀面如死灰以父在勉餼餽粥一夜火發延及柩室救焚者運至而力苦難施萬里乃被髮徒跣號呼而入將以身殉而所到火疑自熄衆亦感奮力救遂得無恙父名克賢武生年百歲而強殆天佑篤孝而使之得遂其養與萬里內行甚備凡皆以孝推之可無具書

利津縣誌補

卷之四

五

尹蘭貧民目不知書而至性過人事父至孝察其所欲竭力供備不以有無爲解後父病危無以具棺衾與妻謀將鬻其子鄉人聞而止之醵金爲轉以殯葬後愈貧爲人傭每歸家必先詣墓哭拜道路憐不忍聞共慰解之

劉永祚字裕昆歲貢生事繼母以孝謹聞撫弟友愛操履清梗晚年結廬城陰而居未嘗再履塵市有隱君子風

蓋玠贊禮生父治疔增生早逝玠數歲呱呱而泣禮



拜如成人母魏氏二旬守節家貧如洗備極色養母  
病延醫數百里外顛天以代母亡哀毀幾絕士民公  
舉孝行濟東道 張邑侯李 給匾示旌  
論曰孝根于性而好名者或竊其似强者割股弱者  
廬墓考其行而不掩者多矣若萬里不恤其死永祚  
能奉繼母蓋玠善事孀親皆在德行之科而尹蘭以  
農瑣終身孺慕嗚呼可以風矣



一行列傳

隆進賢劉德寬傳

隆進賢字良弼監生捐縣丞職有內行樂推所有爲善不倦捐谷實倉輸金繕學宮慷慨無吝色雍正九年大禮煮粥濟飢出家廩減價平糴全活無算妻之從子李維栴生未週歲父死母嫁進賢收養之至成立仍爲之娶婦生子營產業焉

劉德寬字惠溥業儒未就幼赤貧事母孝後漸殷實卽以濟人利物爲心夏施茶瓜冬施綿衣鄰里親故

利津縣志補

卷之四

三

言凶禮不具者極力傾助生平樂善之事難更僕數論曰古者睦婣任卹上以此爲教下以此爲俗夔乎尙矣中世殖財自肥視族里之顛連如秦越而豪俠者或因之市德樹黨事雖近于義舉而義意非矣若隆劉二子各以孝弟之行推而暨之所謂由本及末不流于兼愛之煦煦也司風化者宜表章之以爲世勸

陳潔程光前李惇傳

陳潔監生家豐好義海口崑嶠嘴蕭聖廟地苦卑濕



頓侵于水潔倡施三百五十金築址數尺重構殿宇  
壯于舊規遊觀頓增氣象二十四年三十三年海潮  
大災拯活大小男女至五百餘人嗚呼濱海之地人  
與水爭利而害乘之潔豈分已溺之憂者歟

程光前字榮先性淳樸樂施與居里故瘠貧子弟秀  
穎者往往以無力罷讀光前慨然曰置義塾延經師  
是吾事也未及就而病卒切切以遺命其子子男三  
曰偉曰儒曰儉合力勸建以成先志

李惇業塩賈雍正十三年捐地六十畝入普潛堂當  
利津縣誌補

卷之四

三

道給匾示旌

論曰蕭聖不在祀典意者山海之間其神最靈故舛  
蠶勿替焉而潔乃以巨金鳩工勇于爲善宜其能救  
漂沉之衆也光前嘉惠後學有子繼志惇以經商獨  
加意于惠區施田垂久可不謂好義者乎



列女傳

節婦林許宋劉氏傳

林氏邑舉人林森女適同邑綦應運十九歲而寡子長齡甫一歲氏撫子守貞勤女紅供甘旨事翁姑以孝稱子稍長延師訓誨慈嚴並至姪男女四人婚嫁如已出歉歲出餘粟贍族人里中賴以舉火者甚多卒時年八十有七長齡庚子歲貢孫存恒正恒等書香縣遠乾隆十九年奉

旨建坊入祠武定教授耿賢舉嘗爲之傳

利津縣誌補

卷之四

三

許氏候選經歷彭清洙繼室萊蕪許仁厚女十七歸彭姑劉氏在堂能孝事二年夫亡子大剛方生八月氏痛矣欲死劉氏泣諭之曰汝身殉夫呱呱者將誰恃且獨不念老人耶氏收淚而止迨姑歿禮葬大剛漸長就傅晝誨夜課身兼父師竟成立爲諸生氏終以未從夫地下爲憾力辭請旌年六十而卒

宋氏趙柱妻農家女也夫亦躬耕而食饁餉如賓有冀缺風歷十有一年夫亡氏年二十有八二孤皆髫髻晝夜勤績以奉翁姑養生送死人咸忘其出於孤



發也長子之蘭授室生孫而又夭折婦劉氏依姑守志共勵冰霜焉氏今五十八歲方受次子之養而孫亦成立婚娶家道復昌

劉氏歲貢劉敦倫女歸于張鵬齡事繼姑稱孝不數年鵬齡病且亟語以守節之難氏知夫意諷已卽以天日矢之夫歿無子遺一女氏貞居四十餘年綜家政郵親族人無間言此他日可見夫於地下矣邑孝廉趙世佑嘗爲之傳

論曰程子云餓死事極小失節事極大此二言昭揭利津縣誌補

卷之四

天地間而夫婦之分以定若林許劉皆出清門夙嫻禮教然非性堅金石奚以耐數十年之淒風苦雨哉宋氏以田家女婦顧能甘節傾否而終以不死爲憾亦趙氏之嬰白也

郭室趙氏楊氏世節傳

趙氏諸生簪女年十七歸郭在都數載夫不祿以姑老子穉忍死稱未亡人晝則奉匱調羹夜則推乾就濕淚痕多在襟袖而未嘗嗟怨迨二子婚聘咸望當戶而長貞又死婦楊氏年十八耳哀泣五日不食將



從夫以死姑與氏再三曉諭之曰貞也死我兩老人  
食不下咽汝所見也汝復舍生當相率從汝後矣楊  
氏乃矢志守貞以君姑爲楷則

楊氏監生執蒲女十六而嫁二年而喪所天遺孤崑  
蕪在襁褓痛念姑趙守節鞠子而未終其養也執婦  
職恆掩泣爲笑祖姑猶在扶持抑搔輒代姑勞洎祖  
姑與姑相率壽終竭力營葬不以夫有弟介而自謝  
其責食貧育子閔斯爲極旣長爲娶於陳生子兩月  
而崑蕪又病卒天之厄郭氏可謂酷矣而婦陳習見  
利津縣誌補

卷之四

五

兩世清節亦以黃鵠自矢趙氏歿已多年而楊氏亦  
近六旬司訓張本大爲作傳此其大畧云  
論曰人以彭殤爲欣戚天則不然其所以折挫之者  
安知非以成就之至于累世不壽寄一縷于閨閣卒  
之祚延而名亦播誰謂纖弱不足植人紀哉嗚呼霜  
雪疊降其後必有陽春吾以理斷之矣

紀劉趙氏傳

紀氏于魯之妻十八于歸以勤勞佑夫讀其事翁姑  
婦道尤備迨夫故氏年二十七子方數月義當撫育



而舅姑俱在仰事俯畜一身肩之無愆于儀子永徽  
長而就傳少有荒惰卽以涕泣代夏楚遂發憤卒業  
爲諸生有聲人皆歸功母教焉邑人欲上其事氏不  
欲曲止之今年五十九歲

劉氏廩生李崑妻生一女而無子夫死年二十餘孝  
養舅姑以卒夫志繼母遺一幼弟氏撫之如子至于  
讀書成名遂取其子文鰲爲嗣

趙氏李泰期妻二十歲守志孝事姑嫜撫孤延祀貧  
而不怨衣食皆于十指取辦卒全其節今年五十七

論曰荼蓼之守難于死非鐵石心腸不能被儼然鬚  
眉而或以貧困自污者可以愧矣女而能貞孝慈必  
兼盡無缺非有奇特之事可勿覩縷也

蓋氏孫氏馬氏傳

蓋氏王正禮妻早寡撫二子守貞艱辛萬狀事翁姑  
以孝稱後家漸饒裕次子崑入太學乾隆二十五年  
奉

吉旌表教諭孔毓炳嘗爲之傳

孫氏庠生趙吉仕之妻二十二歲夫亡子幼姑老氏



從夫治命冰蘖自勵紡績以供甘脆教子銅勲成名  
馬氏趙明紀之妻與孫氏同族共居雙堂趙家街夫  
死子未週粹氏矢志靡它食貧以存趙孤名之學山  
長入太學遠邇欽囑其節三十三年督學使者張公  
若淮采風給匾孫氏亦同時額旌

論曰苦節可貞其性定也如謂以生前無窮之苦曷  
身後不可知之旨豈人情乎

朝廷有褒善之典輜軒有表宅之旌維風砥俗豈爲  
一人然非有子克家願請懇懇蓬戶窮簷何能上聞  
利津縣誌補

卷之四

三七

李氏傳

李氏官莊武生李昌運妻笄年來嬪二十歲稱孀撫  
子龐著以嚴濟愛夜率婢媪績紡命子誦書其側必  
聽其上口成誦乃令就寢娶婦生子遘疾遽天氏於  
此時慘割殊不欲生而婦王亦指天自誓熒熒一室  
相依爲命未幾孫連羣破傷中風垂斃醫皆謝去而  
氏與婦晝夜守視執手泣涕及第八日忽醒漸以痊  
減月餘而愈殆苦節蒙神天護佑也治家整肅有法



度僕婢語高聲者必譙呵之門設常關叩扁者音不相熟决不使開氏年六十一王氏亦四十餘論曰梧桐之上常棲鳳凰喬松之下或產茯苓物類以氣相感而况人乎况骨肉天性之間乎李氏貞操教子緯有古媛之風且近型于門內矣惟同姓連姻犯吳孟子之譏咎有所歸於氏何尤

### 烈女張氏傳

烈女張小端姐隨父文生寄監生黃淳屋以居淳窺女妍好夜往調之抗拒不從遂以羞憤自經二十五

利津縣誌補

卷之四

三

### 旨旌表建坊祀節孝祠

論曰余讀詩至行露而哀之燕婉之求至速獄訟而終以不從絕之矧以貧窶寄人廡下而免強暴之污者哉芝草無根醴泉無源於烈女之事益信

### 節婦無事實可據者列後

彭清漣妻楊氏二十五歲守節今七十有二  
朱永成妻朱氏二十一歲守節七十六歲卒有子  
孫士敬妻劉氏二十歲守節今年五十有二



隆世楠妻劉氏二十二歲守節今年五十有一  
趙士麟妻劉氏十九歲守節今年五十有二  
監生李思永之母趙氏失其夫名二十歲守節七十  
三卒

趙其純妻李氏二十六歲守節今七十歲

李恬妻劉氏二十三歲守節今五十四歲

李怡妻趙氏二十餘歲守節撫孤成立今年八十一  
歲

李愨妻劉氏十八歲守節以庠生李悌子維緒承嗣

利津縣誌補

卷之四

三

現年四十二歲

右十人皆以節著然並無實蹟不能作傳或係採  
訪未詳姑存其概以待覈實

總論曰柏舟之次章曰之死矢靡慝或愆于儀或不  
宜于家皆慝也豈獨在奪志哉彼父母不忍于寡女  
固由禽犢之愛抑亦恐貽之罹歟前史載列女不專  
貞節孝慈賢明而所遭則有菹枯飲冰茹荼不受造  
物所厄蓋其難焉